

Boletín Mensál

Governasaun Lokál

Volume IV, Edisaun 5
Jullu 2011

Governu Lokál Xave Dezenvolvimentu Lokál

MAEOT KOMPLETA AVALIASAUN KONDISAUN MÍNIMU BA PDL IHA DISTRITU

Ministériu da Administrasaun Estatal e Ordenamentu do Territóriu (MAEOT) hala'õ ona Avaliasaun Kondisaun Míniu ba Programa Dezenvolvimentu Lokál (PDL), ho objetivu atu avalia funsionamentu Assembleia Distritu relasiona ho implementasaun PDL. Bazeia ba akordu Diploma Ministerial no. 1/2010 prevé katak Assembleia Lokál só bele asesu ba Fundu Dezenvolvimentu Lokál bainhira priense kritériu kondisoens míniu iha termus akuntabilidade, transparánsia no kontribuisaun lokál ou partisipasaun. Avaliasaun kondisaun míniu iha distritu sira hala'õ liuhusi entrevista, monitorizasaun direita no verifikasaun dokumentu. Ekipa avaliasaun identifika dezáfíu komún oin 3 ne'ebé Distritu sira hasoru, mak hanesan : menus facilidade, limitaun rekursu umanus, no kompleksidade kona-ba prosedur ou prosesu enkuadramentu. Aspeitu ikus liu refleta particularmente ba senariu 2010 nian, haree husi

prezensa regulasoêns PDL no PDD nian ne'ebé mosu dala ida, bele afeita implementasaun kona-ba projeitu ne'ebé planu ou determinadu tiha. Iha esperansa katak ho Programa Dezenvolvimentu Integradu Distrital (PDID) tuirmai, sei bele harmoniza Prosedimentu PDL no PDD iha dezenvolvimentu lokál ho nia kuadru serbisu ne'ebé luan, no sei kontribui atu simplifika planeamentu no implementasaun atividades hotu iha baze.

Liuhusi avaliasaun kondisaun míniu ne'e, Ministériu sei husu Direitór Nasionál ba Direção Nacional Desenvolvimento Local e Ordenamento do Território (DNDLOT) no Programa Apoiu Governasaun Lokál (LGSP) nia tulun atu fó asisténsia tékniku ba distritu sira, nune'e bele responde lalais ba kestaun komún no nesiedade hirak ne'ebé identifika ona.

Rezultadu Avaliasaun husi Distritu Sira

Distritu	Valór Avaliasaun	Kategória
Manufahi	96.82	Muito satisfatória
Covalima	90.23	Satisfatória
Ainaro	90.17	Satisfatória
Manatuto	79.00	Satisfatória
Bobonaro	69.14	Bom
Baucau	62.46	Bom
Lautem	56.13	Suficiente
Aileu	50.00	Suficiente
Viqueque *	75.00	Satisfatória
Oecussi *	70.45	Bom
Ermera *	69.79	Bom
Liquica **	90.00	Satisfatória
Dili **	96.00	Muito satisfatória

* : Distritu ne'ebé mak implementa PDL iha tinan daruak

** : Distritu ne'ebé mak implementa PDL ba tinan dahuluk



Informasaun Badak

Atividade iha fulan Jullu/Agostu :

- Planu Investimentu ba Verifikasaun Projeitu Tinan 2011



Ministério da Administração Estatal e Ord. do Território

Rua Jacinto Candido
Dili, Timor-Leste
Phone: 3317202
E-mail: comunicacao.maeot@gmail.com

Suporta husi:

Programa Apóiu Governasaun Lokál



Ministry of State Administration and Territorial Management
has a website!



DISKUTI ORSAMENTU DISTRITU 2012, ATU ATINJI PLANEAMENTU INTEGRADU



Ministru Arcângelo Leite hetan entrevista husi Centro Radio Comunitáriu loron 13 Juñu

Dili, Juñu 2011- Ministériu da Administrasaun Estatal e Ordenamentu do Territóriu (MAEOT) organiza sorumutu koordinasaun proposta orsamentu distritu ba dahuluk durante loron rua, hahú husi loron 13 to'o 14 Juñu 2011 iha Dili, liuhusi kolaborasaun hamutuk ho Programa Apoiu Governasaun Lokál (PAGL/LGSP). Eventu ne'e partisipa husi Administrador distritu sira no mós liñas ministéris relevantes no loke ofisialmente husi S.E. Primeiru Ministru Kay Rala Xanana Gusmão.

Objetivu Prinsipal husi sorumutu ne'e atu diskuti kona-ba proposta projetus husi distritu sira iha tinan 2012, ho objetivu atu sinkroniza planu dezenvolvimentu iha nivel Distritu no Nasional. Total proposta projetus hamutuk 720(atus hitu rua-nulu) maka submete ona, no tuirmai sei prioritiza husi assembleia lokál ida-idak.

"Loron ohin hanesan momentu istóriu ida ne'ebé sai mata dalan ba planeamentu integradu distritu no halo desizaun iha tinan 2012, -hateten Ministru MAEOT Sr. Arcângelo Leite- no hein katak esforsu hirak ne'e bele responde ba nesidade povu rai ne'e nian. Hanesan S. E. Primeiru Ministru hateten katak

"*Servisu estadu nian mak oinsá atu servi povu.*" Ita hotu mak iha responsabilidade atu simu todan ne'e no oinsá atu hadia no serbisu maka'as liután bazeia ba lisaun importante sira ne'ebé ita hotu enfrenta iha tempu uluk iha implementasaun Programa Dezenvolvimentu Lokál(PDL) no Pakote Dezenvolvimentu Desentralizadu(PDD)."


"Agora ita tenke la'o nafatin, PDD I, PDD 2 no PDL tenke la'o nafatin iha enkudramentu ne'ebé dadaun ne'e iha ona, -Ministru Leite aumenta tan- maibé iha futuru programa integradu ne'e sei defini di'ak liután ho diferenzia kompeténsia no responsabilidade husi nivel distritu no governu sentral." Ministru mós subliña tan katak partisipasaun siasidade sivil sai hanesan xave ba prosesu tomak, "Harii estadu no nasaun ida sei laiha valór se bainhira laiha partisipasaun ativu husi siasidade sivil no seitor privadu sira."

"Harii estadu no nasaun ida sei laiha valór se bainhira laiha partisipasaun ativu husi siasidade sivil no seitor privadu sira."

Ministru Arcângelo Leite

Tanba ne'e mak hanesan ezemplu, ba tempu badak ministériu sei halo akordu ida ho FONGTIL - Forum ONG Timor-Leste. Depois de sorumutu ida-ne'e, Ministériu da Administrasaun Estatal hala'o daudaun konsultasaun ho Ministériu das Financas hodi determina alokasaun orsamentu tinan fiskal 2012. Nia montante final sei aloka ba kada distritus atu nune'e assembleia lokál sira sei foti desizaun final ba projetu ne'ebé maka sai nu'udar prioridade.

NÚMERU PROPOSTA PROJETU HUSI DISTRITU TINAN 2012



RONA AMI NIA PROGRAMA RADIO MENSAL "Dezenvolve ho Desentralizasaun"

IHA DILI: RADIO CRC, FM 94.7 Mhz

NO IHA RADIO KOMUNIDADE I6 IHA TIMOR-LESTE